

重刊道藏輯要

水雲集

崑崙山長真子譚處端著

七言律詩

題洛陽朝元宮

宮門寂寂鎖祥煙古跡靈蹤尙儼然  
雲罩連枝烹藥鼎霞生靈井漑丹泉日  
魂煉就華胥國月魄收將不夜天  
紫詔師真歸去後未知孰繼大羅仙

遊靈山寺

閑閑雲水訪禪林密密琅玕映碧岑  
玉柱峯高塵不染靈山寺道藏輯要

水雲集

胃集五

隱境難尋媾交白雪勻鋪玉間隔黃花亂點金  
清徹古潭秋靜夜桂華獨現本來心

遊劉公花園

眾賢邀我賞芳菲雨霽晴明獨過扉  
倚檻牡丹爭秀麗繞庭蛺蝶鬪高飛  
風吹柳眼無情意雨洗花心絕是非  
萬物盡成春一氣無私普布吐馥馥

贈新中郭四翁

幾人到得白頭翁生老病沉是始終  
濁穢腥羶除壽算慳貪嫉妬轉昏蒙  
有憎有愛難超世無慾無情定脫空  
幸有天堂地獄路聖凡迷悟總由公